



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 598, Datë 15.03.2019

“Mbi autorizimin e përqendrimit të realizuar nëpërmjet përfimit të kontrollit të shoqërisë ALH Group SHPK nga shoqëria Lufthansa Industry Solutions AS GmbH”.

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 15.03.2019, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të shoqërisë ALH Group SHPK nga shoqëria Lufthansa Industry Solutions AS GmbH.

Baza Ligjore: Ligji Nr. 9121, datë 28.07.2003 “Për Mbrojtjen e Konkurrencës”, i ndryshuar, nenet 2, 10-12, neni 24, germa d, dhe nenet 53-64. Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe formulari i njoftimit të përqendrimit”.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të shoqërisë ALH Group SHPK nga shoqëria Lufthansa Industry Solutions AS GmbH.

VËREN SE :

Procedura dhe transaksioni

Autoriteti i Konkurrencës është njoftuar në lidhje me transaksionin që do të rezultojë me përfimin e kontrollit të shoqërisë ALH Group SHPK nga shoqëria Lufthansa Industry Solutions AS GmbH.

Pala Blerëse: Lufthansa Industry Solutions AS GmbH (LHIND), është një shoqëri e themeluar sipas legjislacionit gjerman, me objekt veprimtarie: Ofrim i shërbimeve të sistemit të teknologjisë së informacionit, në veçanti zhvillimi i software-ve dhe shërbime konsulence, shërbime të infrastrukturës dhe shërbime të komunikimit.

Shoqëria Lufthansa Industry Solutions AS GmbH nuk është aktive dhe nuk realizon xhiro në Shqipëri.

Pala Shitëse: Z.Minella Gjoka, Z.Robert Felix Kubera, dhe Z.Uwe Fischer zotërues me pjesë të barabartë të kapitalit të shoqërisë ALH Group SHPK, të cilët do të shesin të gjithë pjesën e kuotave të zotëruara prej tyre.

Shoqëria target: ALH Group SHPK është një shoqëri me përgjegjësi të kufizuar e regjistruar sipas legjislacionit shqiptar, me objekt veprimtarie: shërbime inxhinierike dhe konsulence, zhvillim software dhe programim, blerje kompanish ose biznese në fusha të ngjashme; marrje me qera ose blerje e hapësirave për publicitet dhe kryerja dhe/ose organizimi i aktiviteteve promovionale, zhvillimi i projekteve, menaxhimi dhe realizimi i projekteve, blerje dhe çdo lloj aktiviteti tjetër që nuk është i ndaluar me ligj.

Shoqëria ALH Group SHPK nuk kryen aktivitet ekonomik por ajo është vetëm zotëruese e kuotave të shoqërisë Applications Management Development-AMD SHPK e cila mundëson shërbime inxhinierike dhe konsulencë, zhvillim software dhe programim; marrje me qera ose blerje e hapësirave për publicitet dhe kryerja dhe/ose organizimi i aktiviteteve promovionale, zhvillimi i projekteve, menaxhimi dhe realizimi i projekteve, blerje dhe çdo lloj aktiviteti tjetër që nuk është i ndaluar me ligj.

Njoftimi i përqendrimit është depozituar brenda afatit të parashikuar në nenin 12 pika 2 e Ligjit dhe palët në transaksion plotësojnë kriteret e xhiros së përcaktuar në nenin 10 dhe 12 të ligjit nr. 9121, datë 28.07.2003 “Për Mbrojtjen e Konkurrencës”.

Vlerësimi i përqendrimit

Transaksioni i propozuar është përfitimi i kontrollit të drejtpërdrejtë mbi shoqërinë ALH Group SHPK dhe përfitimi i kontrollit të tërthortë të shoqërisë së kontrolluar AMD SHPK nga shoqëria LHIND AS GmbH

Referuar nenit 3, pika 7, të ligjit nr. 9121, datë 28.07.2003 “Për Mbrojtjen e Konkurrencës”, i ndryshuar, si edhe udhëzimit nr.76, datë 07.04.2008 “Për përcaktimin e tregut përkatës”, si dhe natyrën e transaksionit, duke iu referuar praktikës së Komisionit Evropian në çështje të ngjashme, tregu përkatës i produktit është lënë i hapur. Treg përkatës gjeografik u konsiderua territori i Republikës së Shqipërisë.

LHIND AS GmbH dhe AMD SHPK nuk janë konkurrentë në të njëjtin treg përkatës por LHIND është klienti kryesor i shoqërisë së kontrolluar AMD SHPK. Shoqëria LHIND nuk është aktive dhe nuk realizon xhiro në Shqipëri. Transaksioni pritet të ndikojë në uljen e kostove të furnizimit

për shoqërinë LHIND AS GmbH dhe pjesa e tregut e shoqërisë AMD SHPK do të mbetet e pandryshuar edhe pas transaksionit.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të Ligjit Nr. 9121, datë 28.07.2003 “Për Mbrojtjen e Konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfutimit të kontrollit të shoqërisë ALH Group SHPK nga shoqëria Lufthansa Industry Solutions AS GmbH.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS